



PRES RILIS

DIPOTEISEN BLONG SISONAL WOKA – WAN RIMAENDA BLONG OLTAEM FOLEM VISA KONDISEN

PORT VILA, VANUATU, 22nd May 2025 | Ministri blong Intenol Afes I konfemem se wan sisonal woka I bin depot long ovasi from hem I no bin folem visa kondisen blong hem. Hem ia I no fes wan, I kat samfala kes olsem I bin happen finis weh ol sisonal woka oli bin deport from oli no folem ol rul mo kondisen blong visa blong olgeta.

Kes ia hemi wan strong rimaenda she Gavmen, tru long Ministri blong Intenol Afes mo ol ejensis blong hem, mo wok tugeta wetem ol patna blong hem, oli stap tekem strong aksen blong mekem sua she olgeta weh oli ko wok long sisonal wok, oli mas folem loa blong kaontri weh oli stap wok long hem.



Minista weh I risponsibol long Ministri blong Intenol Afes, Hon. Andrew Napuat, I stap kol long ol sisonal woka se Gavmen I bin mekem plante apil finis blong askem olgeta blong kam fowod mo planem rod blong kambak bifo visa blong olgeta I expae. Ol Minista weh oli bin stap bifo long posisen ia tu, oli bin mekem apil olsem, mo hemi impoten blong sitisen blong yumi oli folem kol ia.

Ol Dipoteisen olsem ia oli stap mekem rabis pikja long ol man weh oli involve mo long olgeta narafala ni-Vanuatu weh oli stap long sem program blong wok. Kol ia I blong mekem sua se olgeta woka oli stap long gudfala stand mo mekem gud sisonal wok ia weh I stao kivim impoten Janis blong wok long plante famle blong yumi.

Sori tumas, depoteisen ia I kamaot from man ia I no folem ol advaes mo kol weh Gavmen I bin mekem bifo I kam.

Ministri blong Intenol Afes i wantem talem bakegen se sapos yu stap overstay long visa, brekem kontrak, o yufala i ronwe o lego wok blong yufala, bae yufala I save kasem depoteisen, faen, mo ban long fjuja blong go long ol narafala wok ovasi. Ol kaen fasin ia i no mekem nogud nomo long man ia, be i save affectem program ia mo blokem janis blong ol narafala ni-Vanuatu we oli depend long hem.

Gavman i stap committed blong lukaot gud long seasonal wok program mo bae i gohed blong mekem kol long olgeta participant blong folem gud ol rul blong wok blong olgeta. Long semtaem, Gavman i save se i gat sam had samting we ol worker oli stap fesem mo i stap wok tugeta wetem ol Gavman blong Australia mo New Zealand blong faenem wan gud rod blong stretim ol samting ia.

Sapos yu stap ovasi naoia o yu gat sam worry, plis kontaktim Liaison Ofisa blong yufala long kaontri o Dipatmen blong Leba mo Employment Services blong save kasem help.